

stituta sit ut praeter sexuum coniunctionem haberet in se Christi et Ecclesiae sacramentum ». Nam ex his potius patet a Leone sacramentum Christi et Ecclesiae distinguiri a coniunctione sexuum. Et sane sacramentum hoc sive id quod Christi et Ecclesiae unionem repraesentat, sicut est in unione indissolubili unius cum una atque idcirco unione inter ingenuas et aequales, eo quod haec sola unio a Leone haberetur ut indissolubilis vereque coniugalis. De committitione autem sexuum sollicitus non est Leo, quae et extra nuptias habet locum. Cf. quae ad ea verba Leonis dicemus in Appendice.

Restat ergo ut ratio huius omnimodae indissolubilitatis sit dignitas quidem sacramenti sed ut ita dicam, integre spectata, nempe coniuncta cum significacione unionis indissolubilis Christi cum Ecclesia per carnem assumptam. Quod sit dignitas sacramenti, patet, quia ideo matrimonium infidelium dissolvi potest, quia non est ratum (*c. Quanto de Divortiis;*): quod autem ea sola non sufficiat, iam probavimus. Ut ergo intelligatur alterum elementum, quod superaddimus, advertendum est 1) consummationem matrimonii non quidem ad essentiam, sed ad integratem eiusdem spectare, quae integritas attenditur non secundum perfectionem primam quae consistit in ipso esse rei, sed secundum perfectionem secundam, quae consistit in operatione (1^a p. q. LXXIII. a. 1): 2) Matrimonium sacramentum illudque consummatum significare complete in actu secundo unionem Christi cum Ecclesia per carnem assumptam; fiunt enim vir et mulier actualiter una caro per actum coniugalem: matrimonium vero sacramentum quidem, sed non consummatum, significare eandem unionem in actu primo, vir enim et mulier habent potestatem actus coniugalium. Solet quidem dici matrimonium ratum significare unionem Dei cum anima per gratiam, consummatum vero unionem Christi cum Ecclesia per carnem assumptam: et idcirco illud dissoluble esse, sicut dissolvi potest unio Dei cum anima, non autem istud propter contrariam rationem. At quamvis reprobare nobis non liceat hanc declarationem, licet tamen eam interpretari. Censemus scilicet hanc doctrinam potius quam rationem dissolubilitatis vel indissolubilitatis coniugii, esse explicationem excogitatum, supposita iam aliunde nota dissolubilitate matrimonii rati, ut quodam nempe exemplo res declararetur. Nam si reapse id tantum significat matrimonium ratum, cur non potest pluribus aliis causis solvi et quidem etiam privata coniugum potestate, sicut unio animae cum Deo? Ceterum Paulus de omni matrimonio christiano affirmit, quod significet unionem Christi cum Ecclesia. Discrimen erit ergo in modo repraesentandi, sed res repraesentata eadem est. Porro quoniam indissolubilitas matrimonii potissimum pendet ex re significata, oport-

tebat ut illud matrimonium esset prorsus indissolubile etiam extrinsece, quod perfecto modo repraesentat unionem indissolubilem Christi cum Ecclesia per carnem assumptam. Tale autem est matrimonium sacramentum consummatum. Ratione ergo rei significandae cum aliquod matrimonium indissolubile prorsus esse oporteret, sicut indissolubilis est prorsus unio Christi cum Ecclesia, tale est matrimonium christianum consummatum, quoad ad eam rem significandam aptissime conductum (cf. c. *Debitum De Bigamis*, et s. Thomam q. LXI. a. 2. ad 1^a).

THEISIS XXV.

Matrimonium ratum solvit extrinsece per professionem religiosam, tum solvi potest auctoritate Rom. Pontificis.

I. Matrimonii rati vinculum dissolvi potest et dissolvitur primo per professionem religiosam, qua ipso iure matrimonium procedens ratum dirimitur. Nec enim est in potestate coniugis professione facta solvere vel servare vinculum coniugale, sed in potestate eius est ponere id quo, tanquam conditione posita, iure divino matrimonium dirimitur. Ita creditum esse in Ecclesia a pluribus seculis quod per professionem religiosam matrimonium ratum solvatur, patet ex consensu Theologorum (cf. s. Thom. q. LXI. a. 2), ex dispositione Iuris Canonici *c. verum De Convers. coniug.* ex decreto Conc. Trid. De Matrim. cn. 6. « Si quis dixerit matrimonium ratum, non consummatum, per sollemnem religionis professionem alterius coniugum non dirimi: A. S. ». Ante aetatem quoque scholasticam id creditum et in proxim deductum esse liquet tum ex testificatione Innocentii III, qui *c. Ex parte eod. tit.* idem statuit nolens « a praedecessorum suorum vestigiis declinare, qui respondere consulti etc. » ex quo liquet non unicum fuisse Alexandrum III qui id docuit: tum ex testificatione eiusdem Alexandri III, in *d. c. Verum*, « sicut quidam sancti de nuptiis vocati fuerunt »: tum ex historia, quae nonnulla exempla hac in re suppeditat. Et quidem certum ex sec. VII huius rei testimonium exhibit Beda Hist. Angl. L. IV. c. 49 collato Thoma Eliensi apud Whartonum in Anglia sacra p. 1^a. Scribit enim ille Aedilthrydam coniugem regis Ecgfridi nunquam potuisse adduci ut coniugio regis uteretur, ac tandem ingressam esse monasterium. Iste vero addit quod cum frustra Rex adnitus fuisse recuperare Aedilthrydam seu, ut eam ipse vocat, Etheldredam, sibi copulavit matrimonio Ermembergen. S. Gregorius M. Dialogg. L. III. c. 14 refert virginem Gregoriam « dum adolescentiae sua tempore con-

stitutis iam nuptiis in Ecclesiam fugisset et sanctimonialis vitae conversationem quaereret,... sponsum meruisse habere in caelis, quae sponsum fugit in terra ». De alia prius desponsata postea conversa loquitur idem epist. 23. L. VII. Et Gregorius Turonensis de vitis Patrum c. ult. refert Leobardum rupto foedere nuptiali, quod contraxerat cum honesta puerilla, monachum esse factum in maiore monasterio Turonensi. Afferunt praeterea et exemplum s. Alexii ex seculo IV, qui nuptiis celebratis sponsam reliquit Deo tantum victurus; cuius tamen historia aliquibus incerta est (cf. Tillemont H. E. Tom. 40 in notis ad vitam s. Innocentii n. 8). Afferunt quoque ex sec. III s. Caecilia, quae nuptiis factis noluit Valeriano sui copiam facere ut Deo virginitatem servaret: atque ex seculo I s. Thecla, de qua Epiphanius (haer. 78^a) ait quod cum in Paulum incidisset, pactas nuptias dissolvit, cum primario cuidam civitatis totius ac longe diviti nobilissimoque desponsa iam fuisse. Cf. et Ambrosium de Virginibus L. II. c. 3. Perperam heic citatur a Suarez (De Religione L. IX. c. 24) aliisque decretum Eusebii Papae quod refertur a Gratiano (Caus. XXVII. q. 2. c. 27): « desponsatam puellam non licet parentibus alii viro tradere, licet tamen illi monasterium sibi eligere ». Non enim haberet potest ut genuinum hoc decretum. Nam quamvis ea aetate iam vigeret usus profitendi sollemniter castitatem, monasteriorum tamen consuetudo nondum invaluerat ita ut perinde esset dicere: ingredi monasterium et castitatem profiteri. Quae tamen duo aequivalentia habuit scriptor huius canonis: qui canon idcirco, saltem quoad secundam suam partem, ad ea tempora referendus est quo sacrae virgines monasteriis solebant includi. Sive enim monasterium intelligas cum Cassiano (coll. XVIII. cp. 10) celum, in qua unica persona degit, sive coenobia cum Eugenio II (aiente in Synodo Romana, an. 826. can. 27: Abbates per coenobia, vel ut hoc tempore nuncupantur, monasteria, tales constituentur etc.) constat sub initium seculi IV haud tantumdem fuisse virgines Deo sollemniter sacrari ac in monasteriis virginitatem profiteri. Ceterum neque de uxore opus est canonem illum accipere, sed simpliciter de sponsa.

II. Porro ex citatis et aliis non multis exemplis, quorum historia memoriam servavit, nequit immediate doctrina colligi, quam defendimus; cum vel raro constet an nuptiae contractae fuerint, vel an dissolutae sint necne causa baptismi suscepti, in favorem fidei, et an pars relicta alias iniverit nuptias aut censuerit se posse. Nihilominus ex iis simul sumptis illud immediate colligitur censuisse veteres licere coniugi post pactas nuptias aliquando et post initas, antequam convenienter, alium relinquere propter perfectiorem vitam in statu vir-

ginitatis servandam: utrum vero post ipsas contractas nuptias creditum ab universa Ecclesia sit id licere, et quanta fuerit haec separatio, id collata explicatiore doctrina seculorum insequentium certo cognoscimus et constat fuisse eam quam defendimus, antiquam traditionem custodiente et propagante Ecclesiae sensu et praxi.

III. Iam vero canon Tridentinus est dogmaticus, statuit scilicet veritatem doctrinae. Nam non agit de actione opposita legi, sed de affirmatione opposita veritati; veritas autem quae defenditur a Patribus Tridentinis non est haec, quod scilicet Ecclesia habeat potestatem id statuendi, sed simpliciter quod res ita sit: per professionem religiosam dirimi matrimonium ratum; ergo veritas ipsa hoc canone statuitur et definitur; quam veritatem neganti Concilium anathema indicit. Ex hoc autem colligitur diremptionem hanc matrimonii rati esse de iure divino, ut argumentatur Benedictus XIV in quaest. can. et mor. q. 546. « Cessat indissolubilitas matrimonii rati in casu quo alter ex coniugibus professionem religiosam emittat, et haec solubilitas originem habet a iure divino.... et clarissime ostenditur ex cn. 6. Sess. XXIV de Matrim. ubi anathema profertur adversus adserentes matrimonium ratum non solvi per professionem religiosam: si enim post hunc Tridentinum canonem de fide est coniugium ratum solvi per professionem, solubilitas debuit esse imposita a solo Deo, qui eam potuit facere sempiterne veram (cuiusmodi est omnis veritas fidei, quae semper credi debet in Ecclesia) ». Sane si id ex Ecclesiae est auctoritate, eadem posset hanc legem abrogare, et sic quod in eo canone proponitur credendum, illud idem falsum evaderet, quod fieri nequit: quod enim fide creditur, semper verum est in Ecclesia. Et re quidem vera omnia decreta, quae hac in re exstant, supponunt iam id esse notum, et a sanctis factitatum; neque hanc doctrinam incepisse aliquando in Ecclesia post Apostolicam aetatem demonstrari potest.

Et sane admitti nequit sententia asserens hanc dissolutionem iure naturae fieri eo quod religiosa professio sit perfectior status, ad quem iure naturae transire cuilibet licet dum nulla iniuria fit alteri, eadem tamen vinculo matrimonii repugnat, quod proinde dissolvitur. Nam 1) si ea repugnat vinculo matrimonii, sequitur quod isto praexistente, ipsa, solo iure naturae inspecto, sit potius irrita: 2) nec solo iure naturae probas nullam iniuriam fieri alteri; etenim coniux relictus privatur iure, quod habet in corpus profitentis, quod videtur iniuria, sive hic possit, sive non possit (quod quidem feminis non adeo facile est) aliunde sibi compensationem comparare: 3) falsum est repugnare professionem cum vinculo matrimonii, ut simul esse nequeant, quod manifestum est in professione quae fiat post consummatum

matrimonium, cuius vinculum simul cum illa manet: 4) falsum est ius esse cuilibet ex lege naturae perfectiorem inire statum cum obli-gatio iam suscepta illi adversatur: et sane licet Episcopatus sit status perfectior matrimonio utpote perfectior ipso religioso, non licet tam-en illum suscipere invita coniuge, nec eo solvitur matrimonium ratum: 5) falsum est quod supponitur in matrimonio tantum rato-nendum haberi traditionem rei, sed nudum consensum veluti in contractu venditionis secundum romanis leges; nam in contractu matrimonii acquiritur potestas in corpus alterius et sic alter alteri tradit corpus suum ut sit illius, solumque deest adhuc usus huius iuris (cf. Sanchez De Matrim. L. II. D. 19. Suarez l. c. c. 23).

IV. Alia ergo causa requiritur, quae valeat fundamentum iuris naturae, quo gaudet coniux, subtrahere, tollere nempe obligationem mutuam, qua stante iure naturae invalida est omnis opposita pro-missio, et sic agere valeat non contra ius naturae, sed praeter et supra propter excellentiam superioris boni. Haec vero causa erit aliqua auctoritas ordinis divini. Et re quidem vera cum constet so-lum Deum posse dissolvere coniugii vinculum, necesse est ut dis-solubilitas matrimonii rati per professionem religiosam sit a Deo. Iam vero vel est a Deo mediate quatenus concessit alicui potestatem dis-solvendi, vel immediate quatenus ipse privilegium hoc statuit idque esse iussit, ut existente professione religiosa, matrimonii rati vin-culum solveretur, et per Apostolos id Ecclesiae manifestavit. Atqui heic non intercedit exercitium alicuius auctoritatis legatae a Deo. Nam heic non exercetur auctoritas Ecclesiae quae, ut demonstra-vimus ex forma qua propositus est canon, nequit impedire effectum hunc professionis et idcirco illum non statuit, sed solum docet solvi coniugium per professionem. Cum vero argumentum ductum ex canone Tridentino non occurrit Suarezio (l. c.), facile is potuit in hanc concedere sententiam quod auctoritate Ecclesiae inductum sit ut professio religiosa solvat coniugium ratum. Neque heic intercedit exercitium auctoritatis profitentis, qui conditionem quidem ponit, qua solvatur, sed nullam auctoritatem exercet; nam etiamsi nolit, sol-vitur coniugium. Ergo iure divino eoque immediato solvitur coniugium ratum professione religiosa, idque apostolica constat traditione.

Non opus proinde est querere cum Suarez (ibid.) utrum penes Romanum Pontificem sit ea potestas, quae valeat id constituere. Nam etsi demus posse Rom. Pontificem vim tantam tribuere profes-sioni religiosae ut solvat matrimonium ratum, nequit tamen eam vim tribuere, quam ipse deinceps nequeat auferre. Iam vero haec est vis, quam constat competere professioni religiosae. Ea ergo vis quae, licet in ordine possibilium multiplex concipi possit, de facto

tamen competit professioni religiosae, non ab auctoritate immediata Rom. Pontificis, sed a iure divino immediate originem dicit.

V. Difficultas vero superest: quia si iure divino solvitur profes-sione matrimonium ratum, dicendum est hanc legem divinam hu-redire: quod 1^o nequeant simul consistere matrimonium et profes-sio: 2^o in favorem professionis solvatur coniugium. Atqui si iure divino nequeant simul esse professio et matrimonii vinculum, ergo iure divino quoque professio dirimet matrimonium sequens: quod tamen verum haud videtur ipsis quoque propugnatoribus huius sen-tentiae: cf. Sanchez L. VII. disp. 26. coll. praeced.

Respondemus negando illud primum, nimirum iure divino statutum esse ut nequeant simul consistere matrimonii vinculum et profes-sio: ut enim haec lex positive divinitus condenseretur, professionem nempe religiosam subsequentem dissolvere vinculum praecedens ma-trimonii rati, non opus erat statuere generatim quod professio reli-giosa excluderet vinculum matrimonii, sed solum speciatim, ad com-mendandum virginitatis statum, quod liceret a nuptiis ad eum statutum perfectionis transire, abrupto priore vinculo, habita quoque ra-tione commodi coniugis relictii, ne ulla eidem superesset conquerendi ratio, si bonis coniugii vellet frui.

VI. Ergo ne in hac re nullum est ius Ecclesiae aut Rom. Pon-tificis? Id profecto non dicimus. Sane statim difficultas aliqua appa-ret, quae ratio fuit Suaresio suam asserendi sententiam. Etenim non omne votum perfectioris vitae neque omne votum in religione sed solum votum sollempne in religione seu professio religiosa hunc effec-tum obtinet: atqui sollemnitas votorum est (ut ait Bonifacius VIII loco infra cit.) ab Ecclesia adinventa. Pro hac expedienda difficul-tate haec advertantur.

Cum Deus voluerit matrimonium ratum solvi per professionem status perfectionis, in quo quis se Deo mancipat per observationem Evangelicorum consiliorum idque perfectissime locum habeat in sol-lempni, quae a pluribus seculis fit, professione religiosa, haec certe iure divino dirimet matrimonium. Quare licet sollemnitas professio-nis sit ex sola constitutione Ecclesiae inventa *c. un. de voto in 6^o*; tamen quod haec professio in qua perfectissime homo se Deo dicat per observantium votorum, solvat coniugium ratum, id est iure di-vino. Quaeri autem potest an Deus ipse definiverit ἐν ἀτόμῳ id quod solvat matrimonium ratum, an determinationem ultimam rei reli-querit Ecclesiae. Certum est quod quamvis Deus solum in communi determinaverit susceptionem status per observantium consiliorum Evangelicorum dirimere matrimonium ratum, attamen hoc ipso determinavit speciem perfectissimam huius generis eum effectum

obtinere. Cum enim ea determinatio sit in favorem status perfectio-
nis, et propter excellentiam eius; nequit excludi ea species quae est
status perfectissimus et maxime excellens. Unde quoad eam non est
relicta Ecclesiae potestas efficiendi ut ea existens non dirimat con-
iugium ratum. Porro si spectentur ea, quae sunt essentialia ut sit
status perfectionis, in quo quis se Deo mancipat per observationem
votorum, ea possunt haberi quoque citra eam, quae nunc fit, solle-
mnem professionem religiosam: nam et nunc quaedam religiones
seu congregations sunt in quibus vel omnes, vel plures se Deo
consecrant votis religiosis sine sollemni professione. Censeri igitur
potest ita Deum rem in genere statuisse, ut integro manente iure
perfectioris speciei, quoad imperfectiores species (quae tamen quoad es-
sentiam cum re a Deo statuta convenient) reliquerit Ecclesiae determi-
nandum utrum haec aut illa species ad effectum illum valeret, unde
et posset determinationem hanc suam mutare: atque ita censere licet
Ecclesiam se gessisse prioribus seculis cum nondum status perfectionis
religiosae quemadmodum postea factum, determinatus erat: donec iis re-
ligionibus existentibus privilegium divinum ad eorum sollemnem pro-
fessionem revocatum fuerit. Certum est autem ab initio Ecclesiae exti-
tisse eos, qui, si essentiam rei species, vere religiosi sive monachi
fuerint, quamvis quoad accidentalia a praesentibus different, quae
est ratio cur dixerimus species alias in hoc genere distingui posse.
Cf. Bellarminum De Monachis L. II. c. 5 et 38. Certumque est ante
Innocentium III extitisse religiones approbatas ab Ecclesia, quamvis
ea sollemnis et specialis approbatio Sedis Apostolicae non haberetur,
quae deinceps requisita fuit.

VII. Huius dissolutionis convenientia tum negativa tum positiva est.
Negativa, nempe nullum per se est inconveniens: non enim solvitur
sine ratione, nec grave veri nominis damnum infertur per se con-
iugi manenti in seculo; potest enim manens in seculo alteri nubere,
et cum matrimonium non sit consummatum, sponsa virgo manet
potestque sine ullo dedecore ab alio duci: quod si aliquod damnum
haec vel illa pars relicta subeat, id compensatur abunde bono com-
muni quod Ecclesiae provenit ex professione religiosa, quae in decus
Ecclesiae vergit ac commendationem castitatis atque commune exem-
plum eo magis efficax quo ipsi nuptiarum iuri renunciatur. Neque,
Deo auctore intercedente, iniuria censeri potest iuris sibi traditi et
acceptati amissio, cum alter coniux iure suo, quod Deus ei concedit,
utatur. Convenientia *positiva* est, quia status religiosus excellentior est
statu matrimonii; decebat autem quam maxime ut in Ecclesia Christi
excellentia illius status p[ro]ae isto non solum doceretur, sed facto
quoque veluti sensibilis redderetur, quod quidem fit cum status re-

ligiosus efficaciam habet dirimendi vinculum coniugale. Non poterat
autem dirimi matrimonium consummatum quia potior ratio ex ad-
verso obstat, decebat ergo dirimi matrimonium ratum.

VIII. Quaeres cur ergo non solvitur matrimonium ratum per su-
ceptionem ordinis sacri, in quo homo se mancipat Deo? Responde-
mus 1º rationem praecipuam esse voluntatem Dei, quae id sanxit
pro professione, non pro ordine sacro. Neque enim dissolutionem
matrimonii rati per professionem religiosam demonstramus ex na-
turis rerum, sed ex his solam convenientiam colligimus; demonstra-
mus autem Traditione, quae voluntatem Dei notam facit. Quocirca
etsi nulla admodum certa ratio huius convenientiae afferri posset,
nihil nobis timendum foret. Respondemus 2º discrimen aliquid certe
esse inter professionem religiosam et ordinem sacram, si ambo com-
parentur cum matrimonio. Ea enim oppositio existit inter profes-
sionem et matrimonium, quae non est inter ordinem sacram et ma-
trimonium. Professio enim religiosa est formaliter quoque professio
continentiae perpetuae, ac per illam incapax fit homo dominii ho-
norum exteriorum, quae tamen vitae matrimoniali necessaria sunt, et
transit in ius alterius ipsum regentis et de ipso disponentis nomine
Dei, quae quidem subiectio impedit valet actum petendi et reddendi
debitum; ad haec omnia vero perpetuo obligatur quovis instanti
vitae suae. Modus ergo vivendi, qui exigitur ab essentia huius status,
directe opponitur modo vivendi proprio matrimonii. Consequens qui-
dem ex hac oppositione potuit esse aliquid ex his, nempe ut vel
invalida redderetur professio post matrimonium ratum, vel ut ipsum
matrimonium dissolveretur, vel ut manente vinculo opus coniugii
prohiberetur. Christus vero maluit secundum in favorem status per-
fectionis et in commodum partis relictæ. Repugnantia vero ordinis
sacri cum matrimonio tanta non est: nam modus vitae matrimonialis
non excluditur ab essentia sacerdotii, sed solum a certo gradu san-
ctitatis et decoris ipsi debito et a perfecta executione quorumdam of-
ficiarum suorum. Quare satis fuit statuere ut ordo dirimeret matrimo-
nium subsequens ac prohiberet usum praecedentis. Votum vere iure
Ecclesiae adnexum ordini sacro, non est huiusmodi ut matrimonium
praecedens dirimat, sed rationem principalis sequitur.

IX. Matrimonium ratum dirimi potest auctoritate Romani Ponti-
ficis. De hac re olim dubitatum est. Ruardus Tapperus De Matri-
monio art. 48 reprehendit Caietanum quod « contra communem
Theologorum et s. Thomae sententiam scripserit quod Summus Pon-
tifex dispensare potest super matrimonio rato nondum consummato». Verum 1º dissensus iste Theologorum a sententia Caietani, si ve-
teres species, est potius negativus, quatenus nimis eam non do-